

續安邱新志卷三

古蹟考

黃吏部別墅古松在邑西北十里舖吏部名禎見舊志文苑傳別墅今廢松尚存相傳為秦時故物然無可考邑人曹錫田有十里漱古松詩其詩序稱松粗十餘圍高尺許即分四歧廣平如掌可容七八人坐卧又稱別墅石刻甚多內記熙寧九年東坡過此時松之不及十圍者僅三寸云

北魏殘碑在川里都關帝廟內僅存上段有大魏武定四字而年數不可考額題意瑗法義造佛國之碑上刻佛像兩側刻僧尼法名碑陰刻善士姓名光緒初年里人修關帝廟掘土得之

考

續安邱新志卷三

一

北齊殘碑光緒中凌河社孫氏瓮井得之可辨者約四百字推詳文義係雲中太守賀聞貴墓碑刊於天統四年八月後有銘辭惜大半剝落不可讀矣